

SUKUMS 2019 pupuk semangat berpasukan antara kakitangan

NST 17.7.2019 15

KOTA KINABALU: Kejohanan Sukan Kakitangan Universiti Malaysia Sabah (SUKUMS) Ke-18 mampu menyumbang kepada usaha memupuk semangat kerja berpasukan dalam kalangan kakitangan Universiti Malaysia Sabah (UMS).

Pendaftar UMS, Vina Zahriani Yusof berkata, selain sebagai acara tahunan universiti, kejohanan ini juga dilihat sebagai kaedah untuk mewujudkan keakraban dalam kalangan staf serta dapat berinteraksi melalui sukan sekali gus dapat menerapkan amalan gaya hidup sihat.

"Paling penting adalah semangat kesukaran tinggi harus dipamerkan dalam apa juga sukan yang kita sertai dan janganlah kerana inginkan kemenangan menjadi faktor kepada terjadinya perpecahan."

"Komitmen yang dipamerkan oleh kakitangan saya lihat sebagai suatu yang perlu dibanggakan oleh warga universiti, dan untuk itu pengurusan universiti akan terus menyokong aktiviti berkaitan dengan sukan antaranya dengan membaiki kemudahan sukan yang sedia ada seperti trek dan balapan."

Beliau berkata demikian dalam ucapannya

semepena Majlis Perasmian SUKUMS kali ke-18 di UMS Arena, di sini, baru-baru ini.


Menurut Vina, adalah menjadi harapan beliau agar kejohanan tersebut menjadi platform yang dapat digunakan bagi memastikan universiti terus cemerlang dalam semua bidang yang diceburi.

"Saya juga rasa perlu untuk menetapkan objektif utama agar lebih ramai lagi kakitangan UMS yang dapat mewakili negeri mahupun pasukan kebangsaan pada masa akan datang," katanya.

Dalam pada itu, kejohanan kali ini menyaksikan sebanyak 24 jenis sukan dipertandingkan termasuk dua sukan yang baru diperkenalkan iaitu sukan memancing laut dalam dan petanque.

Lapan pasukan akan bersaing merebut kejuaraan pada SUKUMS kali ini, iaitu Kontinen Twin Tower, D'Arts, Royal Esteem, The Legend, Team Sandakan, Science United, UMSKAL, dan Super 9.

Hadir sama pada majlis perasmian itu Ketua Pustakawan UMS, Haji Zawawi Tiyunin; Bendahari UMS, Zalifah Shadan; dan Pengarah Pusat Sukan, Ahmad Nurdin.



Bacaan lafadz ikrar kejohanan oleh wakil staf Universiti Malaysia Sabah (UMS).



Penyerahan obor kejohanan menandakan SUKUMS Kali KE-18 secara rasminya bermula.